

乾隆五十年乙巳五月二十九日 雨

行都承旨李敬養 坐

注書朴龍源 病

行左承旨趙時偉 坐

一貧未差

行右承旨鄭宇淳 坐直

假注書尹煥東 仕

左副承旨徐晃修 坐直

李德鉉 仕直

右副承旨安聖彬 坐

事變假注書

同副承旨曹遠振 未肅拜

李宗烈 仕

上在昌德宮停常參 經筵○申時酉時灑雨下兩測雨罷水深一分○自初

昏至夜五更灑雨下兩測雨罷水深九分三更乾方有氣如火光○傳于安聖

彬曰大臣脩局堂上引見○來初一日輪臺取稟傳于李敬養曰為之○李

敬養啓曰卽者議政府錄事來言左議政洪樂性 嚴教之下萬々震慄求

死不得走伏金吾門外恭候鈇鉞之誅云仍納命召何以為之敢 稟傳曰俄楚

云々豈足曰嚴教乎劄批中堪聞二字卿等亦已堪聞則至今如是處義實莫

曉也安心勿待命事遣史官傳諭召傳命召○李敬養 啓曰卽者義禁府都

事果言左議政洪樂性今方待命在金吾門外云係是大臣去就敢 啓傳曰知道